

- wir waren nimmer genesen,
vnt heter vns doch nicht widerseit;
des gebe iv got von himel leit!"
135. der habech do mit zohnen sprach:
„her sparwære, mir ist vngemach,
daz ir svs sit bescholten;
daz ir min habt engolten,
daz ist mir inneschlichen leit;
140. ich wil iv swern einen eit
vnt wil och den lazen war:
sol ich leben noch ein iar,
ez wirt der chran ze leide;
nu vlieget an ißwer weide,
145. trovt her sparmære,
vnt habt dehein sware,
swas bis chra nu hat gesprochen,
daz mws vngerochen
ze dirre zit beliben,
150. wir mygens us dem dorne nit getrieben,
si hat scherfe dornen
beidiv hindin vnt vorsten,
och sint di röhen este
der chran pvrchveste;
155. wir soln nu erwinden,
ich riche mich an ir chinden,
och enchan si selbe nit bewarn,
sin myge mir etewa widerwarn,
da ich si gezche
160. odo so fere gedryche,
daz ir bezer wære
ob si den schal verbære."
der sparwære sprach do:
„war, her habech, ich bin vro,

165.

133) het et, hattet. — 141) wahr machen, halten. —
150) können sie nicht. — 155) für jetzt davon absehen.